

Commentarii In Epistolas D. Pavli Ad Timotheum : [Bullinger, Heinrich], [1536]

CONTENTS

CAP.II.	2
<i>INSTRVITVR COETVS ECclesiasticus.</i>	2
<i>Adhortor igitur ut ante omnia fiant deprecationes, obsecrationes, interpellationes, gratiarum actiones pro omnibus hominibus, pro regibus, et omnibus in eminentia constitutis, ut placidam ac quietam uitam degamus cum omni pietate et honestate.</i>	2
<i>Nam hoc bonum est et acceptum coram seruatore nostro Deo, qui cunctos homines uult saluos fieri et ad agnitionem ueritatis ue nire.</i>	6
<i>Vnus enim Deus, unus etiam mediator dei et hominum homo Christus Iesus, dedit semetipsum precium redemptionis pro omni bus, ut esset testimonium temporibus suis in quod positus sum ego praeco et apostolus? ueritatem dico in Christo non mentior doctor gentium cum fide et ueritate.</i>	9
<i>Volo igitur orare uiros in omni loco, sustollentes puras manus absque iracundia et disceptatione.</i>	11
<i>Consimiliter et mulieres in amictu modesto cum uerecundia et castitate ornantes semetipsas, non tortis crinibus, aut auro, aut margaritis aut uestitu sumptuoso, sed quod decet mulieres profitentes pietatem per opera bona.</i>	12
<i>Mulier in silentio discat cum omni subiectione. Caeterum mulieri docere non permitto, neque auctoritatem usurpare in uiros sed esse in silentio. Adam enim prior formatus est, deinde Eua, et Adam non fuit deceptus, sed mulier seducta fuit per praeuaricationem: salua tamen fiet per generationem liberorum, si manserit in fide ac dilectione et sanctificatione cum castitate.</i>	13
<i>DESCRIPTIO EPISCOPI ET familiae eius.</i>	15
<i>Indubitatus sermo, Si quis episcopi munus appetit bonum opus desiderat. Oportet igitur episcopum irreprehensibilem esse, unius uxoris maritum, uigilantem, sobri um, modestum, hospitalem, aptum ad docendum, non uinolentum, non percussorem, non turpiter lucri cupidum, sed aequum, alienum a pugnis, alienum ab auaritia,</i>	15
CAP. III.	15

AD TIM. CAP II.

some texte

[p.107]

CAP.II.

rum pelago est ueritas canonica fides pura et charitas syncera. In his qui perstant et pura simplicitate ad portum tendunt salutis, salui portum attingunt foe licitatis aeternae. Porro qui flatibus arrogantiae et contentionis uela dant abreptique malarum cupiditatum fluctibus a uia recta recedunt, et fidei lucidam cynosuram negligunt, impingunt in perfidiae scopulos atque intereunt. Quid uero sit sathanae tradere expositum est 1. Cor.5. cap. Finis huius traditionis est ut pudore probroque correcti, discant ab impiis parumque Christianis dogmatis temperare. Hactenus tractalaumus negotium de sana doctrina tradenda et uitandis fabulis, diuersis impiisque dogmatis atque opinionibus.

INSTRVITVR COETVS ECclesiasticus.

Adhortor igitur ut ante omnia fiant deprecationes, obsecrationes, interpellationes, gratiarum actiones pro omnibus hominibus, pro regibus, et omnibus in eminentia constitutis, ut placidam ac quietam uitam degamus cum omni pietate et honestate.

COMMENT. IN I. EPIST.

Proximum sanae doctrinae quod ecclesia Christi habet preces sunt sacrae, sub quas refero Coenam gratulatoriam sacrificium scilicet laudis et gratiarum actionis. Et in Actis cap.2. legimus de primitiua ecclesia, Erant autem perseuerantes in doctrina apostolorum et communicatione et fractione panis et precationibus. Baptismi autem paulo ante haec uerba meminerat Lucas. Proinde satis fuerit ecclesiae sanctae si habeat doctrinam sanam id est euangelicam, praedicantem in nomine Christi poenitentiam et peccatorum remissionem, item prophetiam id est lectionem ac expositi onem scripturarum piam, preces denique et coenam mysticam, quibus addimus eleemosynam atque Baptismum. De quibus diximus et in 2. et 20. cap. Act. apost. et in 1. ad Corin. 11. cap. Certe apud uetustissimas ecclesias in coetibus sacris plura istis non habuere Christiani ad iustam institutionem ordinationemque ecclesiasticam necessaria. Temporum successione et pastorum negligentia factum est ut istorum uestigia uix appareant, de doctrina prophetia precibus sacris et coena mystica loquor. Nam haec corruptit auaritia superstitio et in nouandi studium. Inde enim irrepsere ab usus missarum, sacrificia pro mortuis, murmur et cantus templorum. Olim in coetibus sacris paucissimae conspiciebantur Ceremoniae, et quae erant uel ad doctrinam uel ad preces pertinebant. Omnia uero uul

Coetus ecclesiastici ueterum quales fuerint.

AD TIM. CAP II.

gari lingua fiebant et recitabantur ad utilitatem omnium. Nihil hic erat uenale. Nullus uel emptor uel uenditor negotiabatur in aede sacra. Nullum erat discrimen inter plebem et sacerdotem, nisi quod hic pro ministerio suo et inflitutione sacris praeerat. Et ne quid

[p.108]

hac in re dissimulem coetus ecclesiae ante annos mille fuerunt huiusmodi. Confluebat in aedem sacram cultus diuini gratia populus. Dum autem ingrederetur aedem, ab
 30 iis qui iam conuenerant Psalmi aliquot in aliis quidem ecclesiis canebantur in aliis recitabantur tantum, donec uniuersus coetus plene coisset. Hoc uero sacrorum initium ab introeundo appellarunt introitum. Iam ubi conuenisset ecclesia acclamabatur ab omnibus unanimi concentu κύριε λήησον kyrie eleison, Domine miserere. Addebatur a quibusdam Hymnus qui dicitur angelicus, cuius initium est Gloria in excelsis Deo. Hic est
 35 gratulatorius et deprecatorius. Hoc finito collectam recitabat minister ali s ecclesiae. Ea erat orationis species qua totius ecclesiae uota et necessitates collectae Deo recitabantur. Deinde praelegebatur a Diaconis eruditioribus locus aliquis siue ex libris propheticiis siue literis apostolicis pro tempo ris loci et populi ratione delectus. His absolutis in aeditiorem locum per gradus ascendebat episcopus euangelium Christi praedicaturus.
 40 Plebs interim carmine concepto sancti spiritus gratiam implorabat, quod a

COMMENT. IN I. EPIST.

gradibus Graduale appellari coepit. Hic uero magna cum autoritate praelegebat euangelium episcopus, deinde uero interpretabatur. Ad finem contionis sacrae recitabat symbolum quod apostolorum uocant uel Nicenum uel Secundo conditum. Praeterea totam ecclesiam inuitabat ad misericordiam, ut quilibet pro suis facultatibus aliquid in
 45 aerarium conferret pauperum: eam sacri portionem nuncupabant Offertorium. Et Pontius Paulinus docet mensam in ecclesia poni solitam pro pauperibus cibo reficiendis quam et domini mensam uocat, et a domino positam. Hac inquam ratione hisce ceremoniis et ritibus exercebant preces et doctrinam sanam ueteres. Attamen hic ritus non per omnia omnibus erat communis. Quidam enim sacrum coetum non a Psalmis auspicabantur, sed ab acclamatione κύριε ελέησον. Idem non habebant inusu uel Hymnum angelicum,
 50 uel collectas, uel carmen graduale. Huic rursus alii succinebant Hebraeorum Alleluiah ut alibi indicat Hieronymus. Apud quosdam episcopus ipse sine istis omnibus sacra contione et adiectis publicis precibus conuentum et in cipiebat et dimittebat. Nulla uero ecclesia cogeatur in alterius ritus et in fituta iurare, dummodo pre ces et sacrae
 55 contiones saluae essent, sancteque exercerentur. Et optimae perpetuo quam paucissimis contene tae potissimas impenderunt doctrinae et precibus. Por

AD TIM. CAP II.

ro in Coena mystica hic ritus apud omnes penes ecclesias seruabatur. Prodibat in coetum sacerdos. Instructa pane et uino stabat in prospectu populi mensa mystica, huic iste assistens populo benedicebat dicens, Dominus uobiscum. Is uero respondebat, Et cum
 60 spiritu tuo. Deinde hunc ad res maximas excitans mentesque singulorum praeparans clamabat, Sursum corda. Respondebat plebs, Habemus ad dominum. Cyprianus enim in sermone de oratione Dominica, Ideo et sacerdos inquit ante Orationem praefatione praemissa parat fratrum mentes dicendo, Sursum corda, dum respon det plebs, Habemus ad dominum, admoneatur nihil aliud se quam dominum cogitare debere. Haec Cyprianus.
 65 Hinc uero ad gratiarum actionem inuitans sacerdos ait, Gratias agamus domino deo nostro. Responde bat plebs, Dignum et iustum est. Hic subiiciebat sacerdos, Vere

[p.109]

dignum et iustum est aequum et salutare, nos tibi semper et ubique gratias agere domine sancte pater omnipotens aeternae Deus per Christum dominum nostrum. Horum enim pene omnium meminit et Augustinus liber de Bono perseuerantiae cap.13, dicens, Quod
 70 ergo in sacramentis fidelium dicitur, ut sursum corda habeamus ad dominum, munus est domini, de quo munere ipsi domino deo nostro gratias agere a sacerdote post hanc uocem quibus hoc dicitur, admonentur, et dignum et iustum esse respondent etc

Coena mystica ueterum.

COMMENT. IN I. EPIST.

Post ista autem uerba subiiciebat sacerdos, Qui pridie quam pateretur accepit panem, gratias egit, fregit, de ditque discipulis suis, dicens, Accipite edite, Hoc est corpus meum
 75 quod pro uobis datur. Et reliqua quae leguntur in euangelio. His magna cum religione peractis, dicebatur oratio Dominica. Id quod Hieronymus quoque testatur liber aduersus Pelagianos³. Sed et uulgo receptum est Apostolos tantum ad orationis dominicae preces consecrasse, hoc est celebrasse coenam mysticam. Post orationem dominicam sacra mysteria percipiebat populus, communioneque sacramentorum corporis et sanguinis
 80 dominici in unum corpus coalescebat ecclesiasticum cuius caput Christus est. Caeterum rite ad hunc modum peractis omnibus dimittebatur coetus. Ex his autem omnibus facile colligit Lector non omnino stupidus unde abusus Missae papisticae fluxerit, et quam nihil hodie antiquae pietatis in hac nisi profunda obsoletaque prope nominum uestigia cernere liceat. Canonis cuius initium est, Te igitur clementissimi pater, hactenus nullam feci
 85 mentionem eo quod certum sit hunc sero tandem receptum esse a quibusdam ecclesiis. Et proculdubio melius hodie haberet coetus ecclesiasticus si nunquam fuisset receptus. Verum non est institutum nostrum de his in praesentiarum agere prolixius, cum quaedam et in episto. ad Hebr. annotarim. Haec in hunc finem hunc in locum annotare libuit

AD TIM. CAP II.

ut intelligeret Lector quales fuerint olim coetus ecclesiastici, quodque pia antiquitatis
 90 pro se nihil habeant, qui hodie abusum Missarum omnibus ecclesiis ut ritum apostolicum obtrudere uolunt, adeoque et contendunt haereticos esse quotquot Missas suas uulgo receptas non adorant. Imo adiicio his quod illis nouum fore nil ambigo, Gregorium uidelicet eius nominis primum antistitem Romanum annis ab hinc ni fallor noningentis, cui et Missas maxime debemus, nullam tamen ecclesiam ad ritum coegisse uel suum uel
 95 praescriptum alias. Id quod inde liquet quod Augustino episcopo Cantuariensi scribenti percontantique, Cum una sit si des cur sunt ecclesiarum diuersae consuetudines et aliter consuetudo Missarum in sancta Romana ecclesia atque aliter in Galliarum ecclesiis tenetur? Gregorius in haec uerba respondet, Nouit fraternitas tua Romanae ecclesiae consuetudinem in qua se meminit nutritum quam ualde amabilem te habeat. Sed mihi
 100 placet ut siue in Romana, siue in Galliarum, siue in qualibet ecclesia aliquid inuenisti quod plus omnipotenti Deo possit placere sollicite eligas in Anglorum ecclesia quae adhuc ad fidem noua est institutione praecipua quae de multis ecclesiis colligere potuisti infundas. Non enim pro locis res sed pro bonis rebus loca amanda sunt. Ex singulis ergo quibusque ecclesiis quae pia quae religiosa quae recta sunt elige et hac quasi

[p.110]

Olim nemo ad praescriptum Missarum ritum seruandum coactus.

COMMENT. IN I. EPIST.

- 105 in fasciculo collecta apud Anglorum mentes in consuetudinem depone. Haec Gregorius.
Ea non profero quod praecipue iis innitar sed ut collatione istorum et nostrorum tempo-
rum euincam quam iniquis conditio nibus hodie nobiscum agatur, et quod contra uetus
exemplum ritus nobis obtruditur qui non modo nihil utilitatis et pietatis habet sed impi-
etatis et superstitionis plurimum. Neglecta igitur improbitate et con uitiis aduersariorum
110 teneamus obsecro ea in coetu sanctorum sine quibus sanctimonia non perficitur, nenpe
doctrinam sanam, et preces puras assiduasquē, de doctrina sana disputatum hactenus, de
precibus quoq sacris cum aliās saepe dictum sit praesentia Pauli uerba perstringemus
modo. Primum et ante omnia iubet fieri preces, hoc ipso ostendens precibus sacris nil
per inde necessarium et utile esse. Praeterea tempus designat commodum, ut scilicet
115 ipso statim diluculo conueniant et communes ad Deum profundant preces. Plinius certe
in epistola quadam ad Traianum Imperatorem quae extat liber episto. Plinii 10. meminit
moris fuisse Christianis ut stato die ante lucem conuenirent carmenque Christo deo dicer-
ent secum inuicem, seque sacramento aliquo non in scelus aliquod obstringerent sed ne
furta latrocinia et adulteria committerent. Et Tertullianus conuentus Christianorum non
120 semel ante lucanos coetus appellat. Quanquam hic nullam statua

Antelucani coetus.

AD TIM. CAP II.

- mus necessitatem neque preces certo tempori affigamus. Liberum enim est Christianis et
locum et tempus designare precibus maxime idoneum. Certe matutinum tempus nemo
improbare potest, ut scilicet ieiuni ac so brii simul cum luce Deo nostras preces offeramus
et uerbo eius eruditi protinus ad operas et negotiationes nostras digrediamur. Deinde
125 enumerat Paulus certas orationis species, sub his nimirum omnes intelligens. Erasmus
ex Graecanicis scholiis tria priora sic discriminat ut Paulus δέησιν uocarit qua rogamus
ut liberemur a malis et ideo Ambrosium eleganter uertisse deprecationem, προσευχήν
autem esse qua precamur ut nobis contingant bona, ντευξιν uero cum querimur de
his qui nos laedunt. Et multo uenustius haec omnia Paraphrasi explicans, Primum
130 deprecetur, inquit, Deum ut auertat omnia quae turbant et inquietant statum religionis
ac reip. Deinde postulent ab eo quae faciunt ad negotium pietatis et tranquilli tatem
reipublicae. Sub haec aduersus eos qui persequuntur gregem Christi, nihil aliud quam
praesidium eius implorent. Postremo pro his quae Dei beneficio conti gerunt agantur
gratiae. Habes in his quatuor speciebus orationis opinor reliquas omnes. Habes item
135 quid et pro quibus orandum sit, quanquam ea ipsa consequentibus copiosius exprimantur,
nempe pro omnibus hominibus. Nam Christianorum est imitari exemplum

[p.111]

Orationie species.

Pro quibus et quid orandum sit,

COMMENT. IN I. EPIST.

Dei patris et Iesu Christi filii sui. Ille autem sinit solem suum oriri super bonos et malos. Hic uero etiam pro persecutoribus orauit. Gentiles in sacris suis de uouent Christo addictos. At Christiani pro uniuersis hominibus etiam inimicis et peccatoribus orare debent. Varias item sunt necessitates hominum, sunt temptationes multae, infirmitates quoque cum animi tum corporis crebrae quibus affliguntur tum boni cum mali. Pro his omnibus orandus est dominus. Addit, Pro regibus et omnibus μ π ϵ ρ \omicron χ id est in sublimitate et dignitate constitutis: qui uidelicet in republica procures sunt dignitateque et functione aliqua ciuili eminent. Loquitur autem et de regibus ethiopicis et de magistratu a religione Christiana alieno. Ita enim et Ieremias ad eos qui apud idololatrias in Babylone te nebantur captiui scribens, unde haec Pauli desumpta creduntur, praecipit, Et quaerite pacem ciuitatis in quam migrare feci uos illuc et orate pro ea ad dominum quia in pace eius erit pax uestra. Et Tertullianus ad Scapulam, Sacrificamus inquit pro salute Imperatoris, sed Deo nostro et ipsius, sed quomodo praecepit Deus pura prece. Non enim eget Deus conditor uniuersitatis odoris aut sanguinis alicuius. Haec enim daemoniorum pabula sunt. Et in Apologetico cap.39. Coimus, inquit, in coetum et aggregationem ut ad Deum quasi manu facta precationibus ambiamus oran

AD TIM. CAP II.

[p.112]

tes. Haec uis deo grata est. Oramus etiam pro imperatoribus pro ministris eorum ac potestatibus, pro statu saeculi, pro rerum quiete, pro mora finis. Item 30. ca. pite eiusdem libri, Oramus semper pro omnibus imperatoribus, uitam illis prolixam, imperium securum, domum tutam, exercitus fortes, senatum fidelem, populum probum, orbem quietum, et quaecunque hominis et Caesaris uota sunt. Sed et ipse Paulus quid oremus significauitissime adiiciens ait, Vt placidam siue tranquillam ac quietam uitam degamus: non equidem in uoluptatibus et impuritate sed in omni pietate siue uero dei cultu genuinaque religione in iustitia καὶ σεμνότητι et honestate. Nam σεμνότης honestatem significat, uerecundiam, sanctimoniam, et grauitatem, item morum praecipue seueritatem in adolescentia probe instituta. Opponuntur haec seditionibus turbis atque bellis quibus labefactantur omnia honesta studia, corrumpuntur mores, perit honestas, soluitur fides et pudicitia. Potissimum itaque pro tranquillitate publica orabit ecclesia, aut si omnino bella pro defensione legum patriae et iustitiae gerenda suscipiuntur a magistratibus oret ecclesia dominum ut uictoria suis concessa iustam pacem oppressa omni iniustitia restituat. Harum rerum exempla innumera inuenias in Psalmis quibus omnium orantium uota plenissime comprehenduntur. Habes pro quibus et quid omnino orandum sit.

COMMENT. IN I. EPIST.

Nam hoc bonum est et acceptum coram seruatore nostro Deo, qui cunctos homines uult saluos fieri et ad agnitionem ueritatis uenire.

Quia uero preces pro incredulis et ethnicis fusae uideri poterant inutiles contraque decorum et uoluntatem dei fieri, ideo iam superiorum ueluti causam reddens addit, Nam

hoc est bonum et acceptum coram seruatore nostro Deo, qui cunctos homines uult saluos fieri et ad agnitionem ueritatis uenire. Hinc enim sequitur quod nostrum sit pro omnibus orare, nemini ueritatis doctrinam denegare. Qui enim sumus ut resistamus uoluntati dei? Vult ille omnes homines saluos fieri, neminem excludit a salute. Vult omnes ad agnitionem ueritatis uenire. Inde scriptum est in prophetis, In omnem terram exiuit sonus eorum et in fines or bis terrae uerba eorum. Cui respondet illud domini praeceptum, Ite in orbem uniuersum et praedicate euangelium omni creaturae. Diuersa sunt cultoribus dei designata tempora. Non enim uniuersi prima statim hora ueniunt, quidam sero tandem uineam domini ingrediuntur et eundem cum primis denarium recipiunt. Ne ergo desperemus aut iudicemus de infidelibus temere. Solet hoc loco necti quaestio spinosior

Quaestio praedestinationis et liberi arbitrii.

AD TIM. CAP II.

[p.113]

quidem quam utilior, Cum deus uelit omnes homines saluos fieri, qui fiat ut non omnes saluentur? Nec ignoro quid hic a plerisque responsum et quam odiose concertatum sit maximo etiam cum dispendio et scandalo piarum mentium. Alii enim gratiam illam dei qua sola beamur prope ad blasphemiamque defenderunt, reiicientes in Deum omnium peccatorum culpam. Alii uero istud offendiculum uitare uolentes huc prolapsi sunt ut et ipsi non citra blasphemiam dei tribuerint homini quae dei sunt. Vt enim illi nihil relinquunt homini ne peccata quidem: ita hi nihil non tribuunt uiribus hominis. Vtrinque peccatum est et utrisque usu uenit quod prouerbio dicitur, Incidit in Scyllam cu piens uitare Charybdim. Multo prudentius et religi osius uidentur mihi hanc quaestionem expediisse ueteres, qui de ipsa aduersum Pelagianos disputarunt copiosissime, atque ita ut quaecunque hominis sunt relique rint homini, quae uero dei sunt Deo. D. Ambrosius siue alius quispiam uir sanctus et doctus de hac re aedidit libros duos inscriptos De uocatione omnium Gentium, in iis tandem negotium totum in hoc contraxit compendium, remotis abdicatisque omnibus concertationibus quas intemperantium disputationum gignit animositas tria esse perspicuum est quibus in hac quae flione debeat inhaereri. Vnum quod profitendum est, Deum uelle omnes homines saluos fieri et in agnitio

COMMENT. IN I. EPIST.

nem ueritatis uenire. Alterum quod dubitandum non est ad ipsam cognitionem ueritatis et perceptionem salutis non suis quenquam meritis sed ope atque opera diuinae gratiae peruenire. Tertium quod confitendum est Altitudinem iudiciorum dei humanae intelligentiae penetrabilem esse non posse, et cur non omnes saluet qui omnes uult saluos fieri non oportere disquiri. Quo niam si quod cognosci non potest non quaeratur inter primam et secundam definitionem non remanebit cau sa certaminis, sed segura ac tranquilla fide utrumque prae dicabitur utrumque credetur. Deus quippe apud quem non est iniquitas et cuius uniuersae uiae misericordia et ueritas omnium hominum bonus conditor iustus est ordinator, neminem indebite damnans neminem in debite liberans, nostra plectens cum punit noxios, sua tribuens cum facit iustos ut obstruatur os loquentium iniqua et iustificetur Deus in sermonibus suis et uincat cum iudicatur. Nec damnati iusta quaere monia nec iustificati uerax est arrogantia, si uel ille dicat non meruisse se poenam uel

210 iste asserat meruisse se gratiam. Congruunt his Ambrosianis Augustiniana quae leguntur
 liber de Bono perseuerantiae cap.19. Hic tamen non negarim rationem commodiorem
 inueniri posse qua hic nodus dissoluatur. Neque hoc dissimulat Aurel. August. cuius
 uerba quod mire huc faciant ex 53. Tra cta. in Ioannem nunc ascribo. Si quis istam
 quaesionem

AD TIM. CAP II.

[p.114]

215 inquit liquidius et melius nouit se posse et confidit exponere, absit ut non sim paratior
 discere quam docere, tantum ne audeat quisquam liberum arbitrium sic defendere ut
 nobis orationem qua dicimus, Ne nos inferas in tentationem, conetur auferre: rursus ne
 quis neget uoluntatis arbitrium et audeat excusare peccatum. Sed audiamus dominum
 et praecipientem et opitulantem et iubentem quid facere debeamus, et adiuuantem ut
 220 implere possimus. Nam et quosdam nimia uoluntatis suae fidutia extulit in superbiam,
 et quos dam nimia uoluntatis suae diffidentia deiecit in negligentiam. Illi dicunt, Vt
 quid rogamus Deum ne uinca mur tentatione quod in nostra est potestate? isti dicunt,
 Vt quid conamur bene uiuere quod in dei est po testate? O domine ô pater qui es in
 coelis ne nos inferas in quamlibet istarum tentationum, sed libera nos a malo. Audiamus
 225 dominum dicentem, Rogauit prote Petre ne deficiat fides tua. Nec sic existimemus fidem
 nostram esse in libero arbitrio ut diuino non egeat ad iutorio. Audiamus et euangelistam
 dicentem, Dedit eis potestatem filios dei fieri ne omnino existimemus in nostra potestate
 non esse quod credimus uerum in utroque illius beneficia cognoscamus. Nam et agenda
 sunt gratiae quia data est potestas et orandum ne succumbat infirmitas. Ipsa est fides
 230 quae per dilectionem operatur sicut eius mensuram dominus cuique partitus

COMMENT. IN I. EPIST.

est, ut qui gloriatur non in seipso sed in domino gloriatur. Hactenus Augustini uerba
 recensui. Ex quibus omnibus liquet quod bonam illam dei uoluntatem attinet ipsum
 quidem uelle cunctos homines saluos fieri et ad agnitionem ueritatis uenire, et proinde
 quod alii ueniunt non esse humani meriti sed diuinae uoluntatis et gratiae, quod uero
 235 alii non ueniunt humanae malitiae et corruptionis. Salus igitur et iustificatio non erit
 neque uolentis neque currentis sed miserentis dei, credentque quotquot ordinati sunt
 ad uitam aeternam. Sunt autem ad aeternam uitam ordinati quicumque in Christum
 credunt. Deus enim omnia agit lege certa et ordine iusto. Elegit nos antequam iacerentur
 fundamenta mundi, sed in Christo et ad sanctimoniam. Itaque qui Christo fidunt et
 240 student sanctimoniae electi et ad uitam ordinati sunt. Electio enim dei a uoluntate non
 est separanda neque sola praeter ordinem et contra media est iactanda. Petrus enim
 electis scribit dei secundum praefinitionem dei patris per sanctificationem spiritus in
 obedientiam et aspersionem sanguinis Iesu Christi. Et Paulus, Quos inquit praesciuit
 Deus eos et praefiniuit ut conformes fiant imagini filii eius, etc. Iam cum constet non
 245 omnes conformes fieri imagini filii eius, colligunt alii non omnes ad uitam esse praescitos,
 proinde tropo hunc Pauli locum exponunt Deum uelle omnes credentes saluos facere.
 Quod et

AD TIM. CAP II.

[p.115]

apud Augustinum contra Pelagianos inuenies, et plane uerum est. Impii enim non saluantur sed pii tantum. Caeterum illi non habent quod Deo qui pro bonitate sua uoluit eos ad agnitionem ueritatis uenire, suae dannationis et impietatis culpam impingant. Non enim sequitur praescientiam dei nos ad res impias affigere ut culpam peccati in Deum reicere possimus. Recte enim D. Augustinus Tracta. in Ioan.53. Non propterea quinquam deus ad peccandum cogit quia futura hominum peccata iam nouit. Ipsorum enim praesciuit peccata, non sua non cuiusquam alterius sed ipsorum. Fecerunt ergo peccatum Iudaei, quod eos non compulsi facere, cui peccatum non placet, sed facturos esse praedixit quem nihil latet. Et Iudas non ideo prodidit dominum quod ita de eo scriptum esset, sed ideo de eo scriptum erat quod deus praesciret auaritia et desperatione animi ipsius fore corrumpendum. Obiicis, Atqui ratione pari consequetur ut quia uiderit deus fidelium bona opera praedestinarit eos ad uitam aeternam, unde consequatur electionem dei pendere a nostris meritis. Nequaquam. Nam mala quae ex corruptione et labe primaria uere nostra sunt puniuntur in nobis iustitia dei: sed gratia dei electi sumus ad uitam non propter opera nostra, sed propter sanguinem Christi. 2. Timoth. 1. Haec in praesenti ex uetustis scriptoribus praecipuisque religionis nostrae antistitibus pro

COMMENT. IN I. EPIST.

ferre libuit. Quod si alii melius quiddam reuelatum fuerit certe cum Augustino discere quam docere malo, dummodo Deus non blasphemetur et in illum omnis culpa malitiae et scelerum nostrorum non reiciatur, aut nostris uiribus tribuatur quod reuera illius gratiae est. Dominus enim apud Oseam planis uerbis pronuntiat, Perditio tua Israel, sed in me est auxilium tuum. Et in euangelio dicit Christus, Hierusalem Hierusalem, quoties uolui te congregare sicut gallina congregat pullos suos sub alas, et tu noluisti. Item Daniel, Tibi domine inquit iustitia, nobis autem confusio facierum. Et Daud, Ne intres in iudicium cum seruo tuo quia non iustificabitur in conspectu tuo omnis uiuens. Non nobis domine non nobis, sed nomini tuo da gloriam. Iustus est dominus in omnibus uis suis, et sanctus in omnibus operibus suis. Et Paulus, Si adhuc uelatum est euangelium nostrum in his qui pereunt uelatum est in quibus Deus huius saeculi excaecauit sensus incredulorum ne illucesceret illis lumen euangelii. Vt ergo uno uerbo dicam omnia, Lux et salus a sola dei gratia est, Excaecatio et damnatio a corruptione nostra. Quod uero deus interim excaecare dicitur iustitiae eius est, secundum quam merito punit inobedientiam et perfidiam nostram induratione desperatione et caecitate. Ipsi soli gloria in saecula, Amen.

AD TIM. CAP II.

[p.116]

Vnus enim Deus, unus etiam mediator dei et hominum homo Christus Iesus, dedit semetipsum precium redemptionis pro omnibus, ut esset testimonium temporibus suis in quod positus sum ego praeco et apostolus? ueritatem dico in Christo non mentior doctor gentium cum fide et ueritate.

Ad confirmationem superiorum etiam haec pertinet. Nam si unus Deus est qui neque

Iudaeorum Deus tantum est, neque huius uel illius gentis peculiaris, sed omnium ex aequo communis, si unus totius carnis mediator est inter Deum et hominem, siis semetipsum precium redemptionis impendit pro omnibus, profecto orandum nobis erit pro omnibus. Quando quidem uero insignis inter discipulos controuersia fuerat de eo num et gentibus
 285 natus esset Christus, et an Deus Gentium quoque Deus esset, ideo uocationem et ministerium suum hic praedicat apostolus, ne quis testimonio eius, quo testabatur Christum omnibus redimendis uenisse et Deum non Iudaeorum tantum sed et Gentium esse Deum, diffideret. Haec in summa tractat

COMMENT. IN I. EPIST.

praesens Pauli locus, iam ut singula repetamus et explicemus diligentius, Vnus inquit
 290 est Deus, quo non excludit uel spiritum sanctum uel filium qui non separatur a substantia patris, substantia autem unus est deus, persona trinus, unitas ergo illa nontam ad substantiam dei refertur quam ad homines, qui unum id est communem habent Deum. Ita etiam unus id est communis omnium mediator est Christus Iesus, ut hunc nemo sibi peculiariter uendicare possit. Non enim pro una aliqua gente, sed pro omnibus sese
 295 impendit. Verum uidentur haec quod ipsauis euangelii in ipsis lateat altius esse repetenda. Mediator non est inter consentientes sed dissidentes. Qui enim concordant nullo opus habent conciliatore. Et mediator et conciliator equipollent, ubi itaque mediator est ibi dissidium atque partes sunt. Et in praesentiarum partes sunt Deus et Homo. Hae inter se dissident. Causa uero dissidii est peccatum. At hoc non expiatur citra mortem et
 300 sanguinem. Oportet itaque huius dissidii mediatorem cum hominibus participare carne et sanguine adeoque et uerum hominem esse qui mori et sanguinem effundere possit. Iam si nihil aliud quam homo sit et sanguis eius nihil differat a reliquo corruptorum hominum sanguine, non expiabit peccatum dissidii causam, imo nisi Deus quoque sit hic mediator ad deum nequaquam accedere poterit. Oportet enim mediatorem utrique
 305 par

Vnus deus

Vnus mediator.

AD TIM. CAP II.

ti communem esse. Vere enim Chrysostomus, Homo inquit purus mediator nunquam penitus fieret. Oportebat enim huiusmodi mediatorem cum Deo colloqui. Deus item solus mediator esse non posset. Neque enim suscepissent eum hi quorum mediator accederet. Pro inde diuino consilio uerbum caro factum est. Et Paulus in praesenti
 310 non citra emphasim dixit, Homo Christus Iesus. Quasi dicat, In hoc hominem induit Christus Iesus ut mediatorem agere posset. Verus ergo Deus et uerus homo est Christus. Hic dedit semetipsum praecium redemptionis pro omnibus. Semetipsum inquam. Non enim per alium offerri potuit. sed per spiritum aeternum seipsum obtulit immaculatum deo. Hebrae.7.9. Et propheta, Oblatus est inquit quoniam ipse uoluit. Denique ipse
 315 dominus, Panis quem ego dabo ait caro mea est quam ego impendam pro mundi uita. Et uerbum quo hic utitur apostolus ἀντίλυτρον id significat praecium quo redimuntur captiui ab hostibus, eamque commutationem qua capite caput uita redimitur uita. Ita

[p.117]

ergo impendit se pro nobis dominus ut sua morte nos uiuificaret, suo sanguine expiaret, et ex maledictis faceret benedictos dei filios. Neminem exclusit hic nisi qui sese excludit
 320 sua ingratitude et perfidia. Hinc Paulus Impendit se ait pro omnibus. Quod autem alii hinc colligunt omnes etiam perfidissimos fore saluandos, petulanter blasphemant. Qui e

COMMENT. IN I. EPIST.

nim eredit habet uitam aeternam, qui non credit dannabitur. Hoc quidem ab aeterno praeiudicauit Deus, uoluit autem praedicari suis temporibus. De quibus et prophetae, et Petrus 2. Pet. 2. Et Paulum delegit ut omnibus praedicaret salutem. Id uero iuramenti
 325 quadam specie confirmans addit, Veritatem dico per Christum, non mentior quod Deus uidelicet me delegit ut sim Doctor omnium gentium, ut omnibus annuntiem gratiam euangelicam, idque fideliter et uere. Haec uero eximia Pauli laus est.

Volo igitur orare uiros in omni loco, sustollentes puras manus absque iracundia et disceptatione.

Redit ad preces unde paulo ante fuerat digressus, tollitque loci superstitionem et ostendit qualis debeat esse oratio. Quasi dicat, Quod iubeo conuenire in coetum atque in hoc
 330 publicas profundere preces non est quod inde quis colligat preces nullibi quam in conuentu efficaces esse, imo uolo orare uiros in omni loco ubicunque res postulat. Omnis enim locus purus est si animus non sit impurus. Et oratio ex mente non ex loco estimatur. Legitur Christus saepius in precibus pernoctasse sane non in templo, frequentius orauit in monte. Tollitur ergo hisce Pauli uerbis loci superstitio, ut

De orationis loco.

AD TIM. CAP II.

et apud Matthaeum in 6. et Ioan. in 4. Porro inde non sequitur, quod tamen uasani
 335 quidam colligunt, in templo non esse orandum. Non enim temere pronuntiauit dominus, Domus patris mei domus orationis est. Et Paulus in templo non impie legitur in Actis orasse. Quod si in templo et aede sacra hoc est doctrinae precibus et sacramentis dicata orare non licet, certe oratio erit loco affixa. Atqui libera est, licet itaque et in aede sacra
 340 et in quouis loco ubicunque res et decorum ipsaque necessitas postulat orare. Audiamus nunc qualis esse debeat oratio. Volo inquit uiros orare sustollentes puras manus absque ira et disceptatione. Caeterum exteriori orantis habitu adumbrat qualis esse debeat pie precantis animus. Eleuantur manus ad coelum, eleuetur et mens. Obluiscamur rerum terrena rum sola coelestia cogitemus. Proferimus et excutimus manus quoties palam
 345 testari uolumus nos a furto et rapina esse quam alienissimos, orantes igitur excutiamus ex pectore omnem iniustitiam crudelitatem et impuritatem, oremus autem mente pura et sincera. Nam apud Isaiaem in cap. 2. clamat ad Israellem dominus, Cum extenderitis manus uestras abscondam oculos meos a uobis et cum multiplicaueritis orationem non exaudiam, eo quod manus uestrae plenae sint sanguinibus. Lauamini igitur et mundi
 350 estote et tollite malitiam conatuuum uestrorum e conspectu meo et

[p.118]

Qualis esse debeat oratio.

COMMENT. IN I. EPIST.

cessate malefacere. Apud Ieremiam in cap.n.dicit dominus, in singulis ciuitatibus et plateis posuerunt aras ad offerendum Baal. Tu igitur noli orare pro populo hoc, quoniam ego non exaudiam. Huc pertinet quod Paulus adiungit χωρίς οργης καί διαλογισμού sine ira et haesitatione siue disceptatione. Postremum illud referunt quidam ad fidutiam
 355 inconstantio rem et uacillantem, ut hic locus congruat cum illo 14 cobi, Postulet cum fidutia nihil haesitans, etc. Alii retulerunt ad animum implicatiorem odio inuidiaque uitiatum. Certe congruunt huc quae dominus apud Matthaeum hisce uerbis docuit. Si obtuleris munus tuum ad aram, et ibi recordatus fueris quod tibi cum fratre male conuenit, relinque munus, abi et reconciliare fratri tuo. Munus nostrum oratio est. Pura enim
 360 prece uult sibi litari dominus. Ara autem nostra cor nostrum est. Si igitur constituamus apud nos precari, tollamus prius ex animo quicquid inuidiae et malitiae contra fratrem concepimus, ut ex pura bonaque; conscientia dicere queamus, Dimitte nobis peccata uostra sicut et nos remittimus debitoribus nostris. Tertullianus in 3o. cap. Apolog. describens exteriori quoque orantium habitu mentis iustam compositionem. Ad coelum
 365 inquit sufficientes Christiani manibus expansis, quia innocuis, capite nudo, quia non erubescimus, deniq sine monitore, quia de pectore oramus precantes sumus

AD TIM. CAP II.

omnes semper pro omnibus. Et paulo post, Offerimus deo opimam hostiam orationem de carne pudica, de anima innocenti, de spiritu sancto profectam. Haec imitemur obsecro qui hodie Christiani uideri uolumus et inuicem batalogia lacessimus. Non enim in
 370 uerborum copia non in numero, sed in pietate et fide in assi duitate et charitate consistit efficatia et uirtus orationis.

[p.119]

Consimiliter et mulieres in amictu modesto cum uerecundia et castitate ornantes semetipsas, non tortis crinibus, aut auro, aut margaritis aut uestitu sumptuoso, sed quod decet mulieres profitentes pietatem per opera bona.

Nihil in hunc locum adfertur a receptis interpretibus quod non in breuem summam contraxerit Paraphrastes, nec quicquam dici potest necessarium quod idem non sit hisce uerbis complexus, quae hic malui ascribere quam post planam illam expositionem
 375 prolixius cornicari. Ad exemplum uirorum inquit precentur et mulieres. Si quid est in animo muliebrium affectuum id prius eiiciant, pro ludaicis purgationibus morum innocentiam adferentes, ad hanc uicti

Mulierum ornatus et habitus in coetu sacro.

COMMENT. IN I. EPIST.

mam animi non corporis cultum adhibeant, non nuditate corporis uirorum oculos ad libidinem sollicitantes, sed amictu tectae et eo amictu qui modestiam qui pudorem
 380 qui pudicitiam prae se ferat. Absit autem ut Christianae mulieres eo cultu prodeant

in coetum sacrum quo uulgus prophanarum mulierum solet ad nuptias aut theatrum
exire, quae se multo studio prius ornant ad speculum arte contortis crinibus, aut auro
intertexto, aut pendulis ab auribus collonue margaritis, aut alioqui holoserica purpureae
ueste quo simul et formam spectatoribus lenocinio commendent et suas ostentantes opes
385 tenuioribus suam inopiam exprobrent. Quin is sit potius Christianarum habitus qui uitae
respondeat qui dignus uideri possit iis mulieribus quae ueram pietatem ac dei cultum
profiteantur, non ostentatione diuitiarum sed benefactis quibus opibus unice delectatur
Deus, cuius oculis foedum est quod mundo uidetur splendidum et magnificum. Haec
paraphrastes. Paria propemodum reperi in 2.ad Corinth.12.et 1.Pet.3. cap. Tertullianus
390 scripsit libellum de Cultu foeminarum eruditissimum et utilissimum, quem hisce uerbis
mire uidelicet ad praesentia facientibus concludit, Prodite uos iam medicamentis et
ornamentis extructae apostolorum, sumentes de simplicitate candorem, de pudicitia
ruborem, depictae oculos uerecundia et spiritus taciturnitate, inseren

AD TIM. CAP II. 120

tes in aurem sermonem dei, annectentes ceruicibus iugum Iesu Christi. Caput maritis
395 subiicite et satis ornatae eritis. Manus lanis occupate, pedes domi figite et plus quam
in auro placebunt. Vestite uos serico probitatis, byssino sanctitatis, purpura pudicitiae.
Taliter pigmentatae Deum habebitis amatorem.

*Mulier in silentio discat cum omni subiectione. Caeterum mulieri docere non permitto,
neque auctoritatem usurpare in uiros sed esse in silentio. Adam enim prior formatus
est, deinde Eua, et Adam non fuit deceptus, sed mulier seducta fuit per praeuarica-
tionem: salua tamen fiet per generationem liberorum, si manserit in fide ac dilectione et
sanctificatione cum castitate.*

Quo facilius a mulierculis quod praescripserat impetraret Legem dei profert admonens
illas sui officii et humilitatis. Lege autem dei praecipitur mulieribus obedientia silentium
400 et humilitas. Est autem hoc ge

Lex de mulierum disciplina.

COMMENT. IN I. EPIST.

nus hominum natura garrulum fastuosum et recalcitrans. Hinc Paulus, Mulier inquit
in silentio discat cum omni subiectione. Id est mulieres silere et per omnia subesse
et a uirorum auctoritate pendere debent. Sequitur enim huius legis expositio, Mulieri
docere non per mitto, neque; *υθεντε ν ανδρος* id est auctoritate uti in uiros et illos
405 ad suum cogere affectum legesue praescribere authenticas, sed omnino esse in silentio.
Hanc legem repetiit et in 1. ad Corinth.14. cap. et transsumpsit ex Gene. 3. cap. ubi in
haec uerba pronuntiat dominus, Multiplicando multiplicabo dolorem tuum et conceptum
tuum. In dolore paries filios, et ad uirum tuum erit desyderium tuum, et ipse dominabitur
tibi. Id est nihil constitues priuato affectu sed ad nutum uiri omnia ages. Proinde
410 cum in rebus priuatis reuerenter debeant auscultare mulieres, multo minus publicis
functionibus praefici debent. Inuertunt enim naturae et dei ordinem qui in iudiciis

exercendis inquē dicendis sententiis, in ferendis item legibus, denique et in ministeriis et functionibus ecclesiasticis ullum locum permittunt mulieribus. Vnde consequens est et humanarum et diuinarum rerum ex aequo fuisse ignaros qui Abbatissas (sic enim uocarunt principes inter uirgines Vestales, in quarum numero tamen non deerant scorta Corinthiaca) praefecerunt rei pubis legibus adde et sacris functionibus. Causas di

AD TIM. CAP II.

[p.121]

uinae legis subiicit apostolus ne quis muliercularum causam agens quereretur istam ex audacia et libidine uirorum esse promulgatam. Prior causa est, Adam prior formatus est deinde Eua, adeoque ex uiro formata est foemina, adde quod in adiutorium uiri a Deo condita, ut portio uerius uiri sit quam caput: non e capite sed latere uiri sumpta. Posterior causa est, Adam non fuit deceptus sed mulier seducta fuit. Vir enim neque serpentis promissionibus, neque pomi illecebra decipi potuisset: sola charitas uxoris pertraxit ad pernitiosum obsequium. Denique Adam homo a quo nihil humani alienum non saxum rigidum erat, ut nihil dicant qui obiiciunt uirum debuisse constantiorem fuisse quam quem illecebrae fregissent uxoris. Fons ergo praeuaricationis a foemina existit. Hinc non temere ad mulierem Tertullianus de habitu muliebri, Tu inquit es diaboli ianua, tu es arboris illius resignatrix, tu es diuinae legis prima desertrix, tu es quae eum suasisti quem diabolus aggredi non ualuit, tu imaginem dei hominem tam facile elisisti, propter tuum meritum id est mortem etiam filius dei mori habuit etc. Quando ergo magisterium Euae non uni Adae sed toti mortalium generi semel cessit pessime, subesse posthac et iure ad uirum respicere iubetur mulier quaelibet. Agnoscat imbecillitatem et lapsum ueterem, ac satis habeat quod quae olim fuit dux ad impietatem et ruinam

COMMENT. IN I. EPIST.

nunc erroris memor sequatur uiri pietatem et resurgat in pia obedientia. Non enim haec dicuntur in contumeliam omnium mulierum, neque ideo excluduntur a consortio sanctorum, nec quisquam putet sibi ideo in istas licere quidlibet. Imo cum muliercularum genus alias sit timidulum, ne in desperationem prorsus praeceps rueret, addit nunc consolationem, dicens, Salua tamen fiet per generationem liberorum etc. Atqui certum est salutem non deberi ullis meritis nostris, tantum abest ut debeatur procreationi liberorum. Sola enim dei gratia per Christum saluamur. Abutitur ergo saluandi uerbo pro reparandi, quemadmodum et Germanis mos est usurpare uerbum heylen für widerbzingen vnd ersetzen. Quasi dicat, Audistis quantam muliebris sexus sibi inusserit maculam, sed ea eluetur si non desit suo officio. Officium autem mulierum est liberos gignere, labores et dolores quos secum trahit partus et educatio liberorum patienter tolerare, liberis omnem operam et diligentiam impendere, fidem item cum erga deum tum maritum seruare, utrumque diligere ex animo. Sic autem fiet ut excus sa omni superstitione cui tamen hoc genus maxime ob noxium est uere et indiuulse uera fide Deo et Christo adhaereant, fidem quoque coniugalem non uiolent, deum item ante omnia, mox maritos diligant quemadmodum ecclesia solet diligere Christum sponsum suum. Huc

Gene.3.

AD TIM. CAP II.

[p.122]

pertinet sactimonia et castitas siue pudicitia et sobrietas. Debent enim mulieres animo
 450 et corpore integrae et sanctae esse, deinde castae et sobriae in dictis factis moribus
 denique toto corporis gestu et habitu, Titum 2. Mulier enim impudica monstrum uerius
 hominis quam homo est. Hisce aut caeterisque uirtutibus sarcient inquit Paulus, quod in
 primo illo lapsu diminutum est, quod scilicet hominis partes et officia attinet, alias nemo
 negare potest omne reparationis precium et meritum passioni dominicae deberi. Doceant
 455 ergo episcopi sancti quod non puduit sanctissimum Christi apostolum Paulum docere.
 Quidam non sustinentes doctrinam sanam ad fabulas conuertuntur et nugantur de uita
 monastica ac uirginitate quam interim sanctissimam deoque gratissimam esse credimus,
 si modo eiusmodi sit qualem describit apostolus 1. Cor. 7. Caeterum coactam illam et
 inuoluntariam adeoque et immundam non damnare non possumus, quod certo sciamus
 460 deo probari placereque sanctimoniam cum animi tum corporis. Vnde et apostolus
 praecepit corpora nostra possideamus in sanctimonia et honore et non in concupiscentia,
 alibi quoque commendans connubium sanctum et immunditiam damnans. Honora bile
 ait est connubium apud omnes et cubile impollutum, scortatores autem et adulteros
 iudicabit deus.

DESCRIPTIO EPISCOPI ET familiae eius.

Coelibatus monasticorum.

COMMENT. IN I. EPIST.

465 In ecclesia dei hoc est sanctorum coetu ueluti anima est minister uerbi, utpote quem
 Paulus alibi appellat cooparium dei, et per cuius ministerium deus populum suum
 gubernat. Est igitur hic a deo constitutus ut ab ore eius cumcti expectent et audiant
 uerbum dei, idem a domino ueluti lucerna quae piam toti domui est expositus ad quem
 intendentes qui uersantur in domo quid agant norint. Nam in euangelio dominus ad uerbi
 470 ministros, Vos, inquit, estis lux mundi. Sic luceat lux uestra coram hominibus ut uideant
 uestra bona opera glorificentque patrem qui in coelis est. Proinde Paulus uitam et mores
 Episcopi informat ne ex his ullae in ecclesiam offundantur tenebrae.

*Indubitatus sermo, Si quis episcopi munus appetit bonum opus desiderat. Oportet
 igitur episcopum irreprehensibilem esse, unius uxoris maritum, uigilantem, sobri um,
 modestum, hospitalem, aptum ad docendum, non uinolentum, non percussorem, non
 turpiter lucri cupidum, sed aequum, alienum a pugnis, alienum ab auaritia,*

Chrysostomus et huius abbreviator Theophylactus hanc particulam πιστὸς λόγος
 retulerunt ad

CAP. III.

some texte